

復齋集
上



漢書門			
一〇七三八	七	八	類
二	一	八	冊架函號

內閣文庫			
一〇七三八	七	八	類
二	一	八	冊架函號

別集四

內閣文庫	
番號	漢 10738
冊數	2 (1)
函號	318 181

318-181



復齋先生集上

應製

己巳春正月二十四日臣摠等入侍書筵 殿下

命臣摠臣啓臣尚敬等賦詩以進臣摠竊惟 殿

下即故之初宜法古先勵精舍理謹採詩書所載

帝王之事善可為法惡可為戒者作四言箴以獻

雖天子諸侯之分不同為善則治為惡則亂其理

則一伏惟 殿下特垂睿覽

惟民秉彝惟辟作則元后克聖黎民敏德肆彼箕疇

訓其皇極若稽古先有失有得唐堯欽明虞舜允塞

大為儉勤勉其惠迪子孫不率之過衆力帝用不臧



降災下國惟湯克仁不逋聲色爰暨三宗咸克禮陟
受乃作威民罔不盡天命自絕非周敢戈文王敬止
不遑暇食傳世三十十年八百周厲傷之漸至顛覆
嬴劉以降治亂歷々天子諸侯其位雖別敬吉怠凶
其理則一 殿下懋德在取初服大國是事小民是
恤瞻視必尊衣冠必飭尊師重傳古訓丕式從諫如
流自強不息皇天無親好是正直 殿下勉茲小心
翼々繼々承々子孫千億

集毛句送陰竹勸農閔司藝

孔樂陰竹土原隰何昫々服耕田千耦取禾動百困
我倉頃何匱田畷非其人究度命吉士趙庚皆振々

勸課有實積民免飢饉臻閔子惠且直令聞驚縉紳
受命代彼任駕言出城闐布穀鳴閔々時序惟暮春
東作其虛邪來牟受明新逝將稅千郊擊鼓御田神
衆夫序錢鏹俶載阻隰畛婦子載筐筐饁彼南畝
饑黍嘗旨不髦士蒸以親祈々靈雨零百穀涵活均
長畝不穰莠耘籽益羨々秋來築場圃銜敎如雲屯
高廩萬億秬畝 一維神好正直福履綏子身

次陽村學士自松京之平壤途中所賦詩韻

棲々駕戎車四月出關塞千村點行頻但見釐婦在
師出非以律悲歌遠云邁豈殊蟾拒轍祇使民生瘵
良田盡污萊歲晚安所刈欲掛弘景剋去把長沮耒

但為名韁繫屢閱歲時改安危屬天運誰將問長宰
悔過苟能改天王必寬貸疇能過徂旅更見艱極泰

正月十三日風雨終日至十五日天開景明偶

書所見戲贈同年金待制瞻

今朝雨初霽出門縱吾目草色亦有無山光如膏沐
決、橫道泉欣、向陽木萬物各得意吾心淡無欲
之子期不來使我立於獨如何携翅生惠然來白屋
勝景窮天慳新詩詠珠玉此事豈不佳恐君尚牽俗

八音歌示陽村求和

金穴將安用百歲風前燭石崇亦遭禍殿崇在珠玉
絲也唯日飲是以遠耻辱竹林一華晉陶然無所欲

飽酌可忘憂菜羹可知足土肥泉又甘令人憶盤谷
革弊以救時責在丹其較木鴈足為鑒莊篇宜三復

早行途中有作

蓐食天未明驅馬赴前程霏、微雪落獵、朔風鳴
村行一大吠林過宿鳥驚行、登高岡試見初日生
臨津白逶迤華嶽青崢嶸向來遠天闕戀主寸心明
粵予無寸能久矣隨簪纓明時愧空食及稅事岩耕

送棗麟還遼東

雞林去遼瀋道里相望懸之子懷靡及來往何翩、
憶昨到賓館秋宵秩初筵識韓幸愜願暮隴漸磨肩
酬來示佳作一讀頭風痊貽我復齋扁字若銀、

頭之瓊瑤報願言客於馬王事自有程今朝忽言旋
落葉滿驛路征鴻叫江天歸驂星火急佇立眼空穿
小邦沐膏澤述職心益堅願君達下失

自益之平鶴嶺途中

驅馬逾鶴嶺道途何屈折朝日弄暉々朔風吹冽々
衆峰鬱嵯峨一水細咽々石戴無心雲松餘未消雪
梵宮在高岷金碧互明滅想有忘機人笑予行屑々
二十八日到漢陽矮屋甚窄纔可容膝感而有

作

我屋一何穿我心一何寬蒼苔低無樞樓學恭禮之端
炊烟從眯目衣污終不慳兒童畏炳彪日在門早關

旅食甌生塵為儒豈非寒箇中亦有樂可笑不可欺

月夜獨坐有感呈陽村

獨坐夜軫輻柴荆月沉々羣動各已息怪鳥鳴桑林
百感攻玉內彈缺歌且吟作客淚水上留家南山陰
捋毋豈敢望一書如千金端知陽村叟此時同此心

送靖安君赴京師

皇明衞宇內聲教漸四裔包荒示大度字小施仁惠
吾君謹述職朝聘無虛歲惟帝感至誠丁寧垂勸戒
國號既賜更使華反相繼九重達四聰聖謨同舜帝
賢侯為君親跋涉覲天陛敷奏定詳明艱難必康濟
異渥荷三接膚功高萬世端知東還日其樂方幾々

離時正炎熱關山更迢遞行後非不勞豈為一身計
且當加餐飯好去益勉勵

送龍頭道生僧統

師也不羈人意氣何容與早辭高堂親好伴空門侶
煮飯折脚鐺到處度寒暑龍頭在何許縹緲長汀渚
秋風動歸興錫杖凌空舉袖中多新詩盡是名卿語
得非文暢徒愧無昌黎序

冬夜

冬夜何漫漫東方何時白衾裯冷如鐵耿耿寐不得
被衣起窺戶參橫月亦側寒雞空在栖不鳴但鼓翼
高歌飯牛曲終長太息

碩鼠

碩鼠黠且毒夜動而晝伏嚙我箱內衣食我櫝中粟
窺覓且翻盆俾我未安息憲社即且寵居側乃驚恐
吾非永蘇氏畜此將安用胡不覓狸奴一旦殲厥種

谿堂李茂芳贈宗伯李誠中詩卷占老字

吾聞恕菴公為人洵美好當年典文衡玉筍世稱道
衣鉢孰能傳卓彼谿堂老蔚為三達尊豈弟神所勞
端知恕菴公藻鑑信深奧提學有淳風典刑類先考
宦路早按閑名園常寄傲世事付金尊高懷愛花草
谿翁感疇昔寄詩增嘆慕秀句直千金可為傳家寶
請君設華筵以當覆瓿報

閣、井底蛙

閣、井底蛙跳梁缺甃崖喜乘鼓吹起怒腹脹則已
自誇坎井樂科斗莫吾若灑灰無蝸氏官私聒人耳

啞、城上烏

啞、城上烏日暮尾畢逋上林樹高低全樹借汝棲
樹頭多好枝風雨亦不移無人挾彈射儘教啼入夜

戊辰年元日

孟淑屠蘇酒門書鬱壘神所祈民真枕不患我居貧

重九

與客携壺句高吟杜子詩家貧無竹葉太宗此菊花枝

聞倭賊侵揚廣道州郡

島夷縱橫如蝟毛操舟若神驚波濤通采鼠竊四十
年濱海郡縣無人烟頽凶慘毒不須說殺人如麻野
流血諸將畏懦不敢前有時奔北塵漲天賊徒乘勝
勇氣盛長驅如入無人境老幼扶携匿山谷焚蕩室
廬奪錢穀邦本不固日憔悴况復西垂方有事嗚呼
國步至於斯黎民按堵知何時

書懷示李侍制詹演雅體

字小叔号雙梅堂
謚文安洪州人

鳥章旗幟簇江城、上飛鳥半夜鳴蕙帳君應思鷓
怨烟衰我亦負鷗盟雞虫得失嗟無了鵬鷃逍遙貴
滄情彩鳳高翔千仞表災罹羅雉不安生
弊如蜂午未能祛却悔囊螢讀舊書久客經時衣有

蠶冷官到處食無魚蛛絲謾報家書喜蝶夢相尋古
里居正是蒼蠅紛撲面亡憂只可浥浮蛆

贈鄭少年欽之廣明寺僧義敦請子故云

鄭生門戶何輝光鄭生風度何清揚從師讀書萬禪
房年雖其小名已彰敦師與我舊相傳語子之義終
不息師歸語生益努力多識前言畜其德人不通古
馬牛裾男兒須讀五車書中道而廢焉用諸生乎慎
終當如初

露宿興義野

藉草枕肱處宵殘夢自驚風灘聲正急雲月影微明
王事難將毋農時屢點兵遠山聞杜宇孤客若為情

李侍中子松挽音

善人終不幸天道杳難堪晚歲遭時亂忠言受禍深
令名歸史筆高節感人心南望公山遠悲酸未易禁
十八日到大同江二首

江臯秣予馬藉草坐移時迥野平如掌低峯遠似眉
繞城江瀕之隔岸樹離之邈矣八條教誰能重設施
樂浪聞名久今來寫我愛據山開粉堞臨水起朱樓
箕子遺風在檀君往事悠啁歌吹響遙認是龍舟

鐵谷村中早春

鐵谷重游地王春正月初杯傾今日酒壁見去年書
白入梅葩綻青歸柳葉舒靜觀生物意塊北溢堪與

自鐵谷還京江陰縣即事是日立春也

野墅經元日歸途月建寅縣樓時繫馬江路不逢人
解凍條風軟堆盤野菜新想着金殿裡寶字貼宜春
十一月二十七日到峯城遇雨入官舍偶吟

蕭子月雨寂縣官亭松檜偃蒼蓋五峰巒圍翠屏
居民尚凋瘵遊客獨吟嬾太守開尊酒留連醉未醒
鹽州聚景樓次板上韻二首

茲樓孰經始物色古猶今紅霞池中樹青知海上岑
詞人多諷咏天使昔登臨嘉景無尊酒何由慰客心
下馬入官舍寒衣登縣樓庭空聞落木江迫識歸舟
往事鴉聲晚新騎鴈影秋坐來風滿眼宛在列仙隊

庚午七夕龍頭會之柳判書亮家鄭圃隱有詩

即次其韻二首

今夕知何夕令人萬慮忘磨肩集桂榜截髮有萱堂
好月斜銀漢沆霞漱玉觴高吟見牛女脉脉兩如望
故人朝帝闕旦夕未能忘跋涉歸千里團圓共一堂
纖纖彈寶瑟兀兀倒深觴放意陶茲夕諸公盡令望
訪李喬掩郎寓舍作

郭外屹孤嶼清晨尋遠村溝聲撼節屋草色到柴門
見客陳蒲席呼兒置酒杯劇談忘世味宛若入桃源
閔右尹宅次祭酒詩韻

夕違聞卧病會面喜康強採菊悲秋盡看書覺日長

境随心共靜身與世俱忘料得黃麻下將參鶴鷺行
韓正言寓舍玫瑰盛開與權陽村李侍制同賦
玫瑰有佳色旅食賞多時萬紫掃無迹此花開最遲
吹香風有信弄影月如期爛熳正堪折欲貽予所思

次金狀元子粹詩韻二首

我之鴟夷智如瓶在井眉嗅花無與語彈缺有時噫
復志韓公賦傷春杜子詩只慚無道氣夢不到靈芝
君今宜守口吾亦炙吾眉孰講商書訓難聞周頌噫
時危徒竊祿愁至只吟詩肥遁佳期在相携採紫芝
日本使人以梅竹畫扇進獻即賜知申事李仲
文李待制作詩詠其事次韻寫呈

畫扇從素城題封入禁宮寵頒息自內來獻信由中
雪艷寒光射霜枝冷候通匪徒昭德致欲使蒼黃風
經筵後歸家偶詠

平明朝鳳闕向晚返柴扉北風吹我帽西日照我衣
誰言我官冷身惹御香歸濁醪有妙理亦足以忘機
偶吟

一室琴書靜九街車馬喧人皆在鑿觸我獨到羲軒
勁竹風枝瘦柔桑雨葉繁靜中觀物象此意與誰論
丙寅十二月二十日書事

及時災屢作太息仰蒼穹暴電死飛鳥狂雷驚蟄虫
山嵐黃漠漠木稼白濛濛徹樂敬天怒誰能達九重

春雨

霖霖知時節，廉纖逐曉風。簷間蛛網濕，陛下燕泥融。
著柳濛濛綠，催花蓓蕾紅。一犁敷土脉，喜色屬田翁。

晚晴

一雨洗炎熱，曠然天氣晴。園林棲鳥集，庭草候虫鳴。
補衮功難就，歸田計未成。悠悠雜唯々，又見一秋生。

病後寓居桐房

門外窻輪軟，禪房殊間寂。病夫無所為，兀坐度朝夕。
數枝瓶花紅，一炷香熏碧。清寒時自笑，煮茗當歡伯。

李陶隱夫人洪氏挽詞

結禩歸學士，主饋叶家人。偕老期空在，浮生迹易踈。

床頭餘樂餌，鏡匣暮埃塵。伊節還朝日，陶齋淚滿巾。

九日索酒術

昔人留好語，以酒譬猶兵。日飲曾聞益，天生遠憶伶。
欲邀徐邀聖，須賴孔方兄。採菊東籬下，何人寄一瓶。

宿九龍山觀音窟

勝日尋蘭若，扶筇上翠微。松聲醒俗耳，花片撲人衣。
古窟傳聞久，靈湫省見稀。於焉興不淺，山鳥莫催歸。

昌陵寺

夜宿漁村塢，風餐野寺樓。蹠烟數點鷺，喚雨一聲鳩。
林缺湖光漏，庭空樹影稠。於焉興不淺，欲去更淹留。

禪岩寺

高覺象緯逼俯瞰衆山平竹筧飛泉細松崖湛露零
蒙塵金像老呼粥木魚清世不尊儒術吾寧學佛經

遊天磨山善賢菴

禪龕在空谷俗塵元迥隔秋深楓葉丹日暮山光碧
宿鳥竟投林歸僧獨携錫於焉興更長嘯破幽寂

與金待制瞻遊金身菴

光州人

應真飛錫地閒寂少人蹤樓見臨津水窓聞普濟鐘
蒼涼秋日上紫翠曉山重勝友時聯袂茲遊興未終

無題二首

中谷曹溪秀從來有久要高名齊惠遠誓勾厓參寥
窓聽松風起樓觀海月遙應谷心地印攤褐坐清宵

岩叟忘機者幽居在永山心同秋水淨身共嶺雲閑
事業詩千首生涯屋數間市朝堪大隱不用苦思還

送平壤教授官閔先生

安仁字子

朝家重儒術庠塾遍州閭巨鎮綰城最淳風箕子餘
民猶知禮讓士亦習詩書教授宜掄擇先生遂拜除
所期在遠大此去莫躊躇好古誰能敵多聞我不如
英才須教育經訓乃蓄奮官柳烟凝處江舩水漲初
春光涵物象容興溢堪輿慎勿愛遊賞下帷如仲舒

贈藏義寺主都大師聰公

澗水緣階咽秋光滿院濃僧閑時出戶客至不聞鐘
支遁久相憶遠公今再逢嘗茶仍問法數日幸相從

訪安和寺天澤上人
不遇題壁

支遁知何往蕭然一室空煎茶汲井水歌枕聽松風
城市軒窗下雲烟几案中孤吟不能寐夜靜佛燈紅
以詩邀雙梅李先生啓

春酒三杯後油然詩興生親交成會合節序更清明
藹之雲多態欣之木向榮相過乘郵驛騷雅愧無名

木州途中

星駕離亭色風餐憩木州雲收山竟出雪盡水爭流
蕭索逃租戶摧頽賣酒樓安能叫閭闔下令減徵求

訪崔通甫同年咸

塵世誰無事君家可避喧好山圍謝宅垂柳映陶門

不惜東方米能添北海尊未辭投轄食直待月黃昏

病起

經春常伏枕此日始彈冠藥最關心久醫方著眼看
髮稀簪易墮腰瘦帶何寬耕道愧無術寸田元自丹
霖雨思賢佐

有賢如佐理可致大平時故國君之意如霖雨以思
擬將滋曠旱念切任魁竒審之英材進祈之惠澤施
子儀唐室相傳說戊丁師龍卧南陽久胡為眷顧遲
贈慈息宗祐世君宗林公與先君同庚

癸酉同庚會如今有幾人看公能住此憶舊忽沈巾
心源同秋水身閑出世塵自來交分厚相往豈辭頻

幸未正迴清宴殿上

綺宴初開白壁堂群臣明侍赭袍先火燒金鴨香烟
細水滴銅龍漏箭長仙樂洋洋飄縞袂流霞欲獻
椒觴醉扶歸路人爭看帽頂花枝爛有光

壽寧宮受朝賀訖金判官瞻有詩次韵寫呈李
申事種學

鳥革翬飛布政宮鏘金鳴玉盡才雄御爐香燄風吹
下仙仗陰移日正中廊廟嘉猷頻入告經筵聽德實
惟聽下情上達無沉滯只是龍喉出納功

次金判官入直壽寧宮韵

瞳、曉日報新晴城闕秋生物象清寶殿講論宗孔

氏台司啓沃有阿衡魏哉袞冕初臨御輪與宮闈已
落成夙夜事君須竭力行看國步漸昇平

箕子墓

綉城西畔最高峯古墓推頽亂翠松象箸當時盡忠
諫龜疇萬世想音容三仁自昔欽高躅八佞誰今繼
舊蹤惆悵無人薦蘓藻傍山樵徑紫苔封

九梯宮

古宮遺址在層巒步屨登臨眼界寬曠野三邊山簇
簇長天一面海漫漫繁華往事浮雲滅感慨來歌淡
日殘欲把拙詩償勝景古松陰下久盤桓

麒麟窟在永明寺之前

麟窟哈呀近梵宮東明事往草連空俯窺却訝仇池
穴却立時生禦寇風神物乘雲歸汗漫遺蹤勒石在
龍巖人言有路通江水乘燭誰能子細窮上却恐初

朝天石

古石穹窿枕碧漣人言聖帝此朝天窟中麟自乘雲
去崖下龍應抱寶眠駭浪春撞翻白浪古苔埋沒散
青錢乞身擬欲來垂釣鞍馬風沙又一年下浪恐雪

觀風殿

夏屋渠、倚碧空先王巡狩昔觀風滿庭春草自交
翠澆砌晚花空落紅一片江山興廢後萬家烟火盡
箇中通來民瘼知多少誰勸君王達四聰

聖容殿

創業艱難憶聖神鼎湖龍去半千春闕宮有血丹青
古遺像如存袞冕新陟降威靈明在上初新功業大
無倫小臣稽顙苔階下感古悲今淚滿巾

華嚴山證覺寺

衆壑嶙峋路屈盤遠尋蘭若費躋攀蹤塵絕處胸襟
豁脚力窮時眼界寬白練抹坤江水迥青螺隱霧石
峰攢峨詩徒倚禪窓久半日清遊興未闌

題華嚴宗師友雲詩卷

蟬聯胤胄自新羅領首山門道氣多飛錫曾遊燕塞
雪浮杯又亂浙江波年垂八秩形如槁法說三乘辯

若河擬向扁溪陪杖屨秋風此別乃如何

江陰途中

江陰縣裏路橫斜馬上哦詩答物華春色已歸黃犢
草潮痕猶在白鷗沙風前三弄牧童笛柳外一聲游
女歌控歷碧沅門半掩竹籬茅屋是誰家

送鄭三峯赴任南陽名道傳字宗之奉化人

先生胸次正無邪有斐功夫在琢磨操筆巨篇如潑
水談經雄辯若懸河昨宵忽得三刀夢此去應聞五
袴歌他日朝家行殿寂却從廊廟見委蛇

贈呈獨谷成政丞諱石璘字自修諡文僖昌寧人

獨谷風流表搢紳胸襟豁達見天真詩豪太白應同

調草聖張芝顛下鄰繞屋溪山渾似畫滿園花木別
藏春弟兄無故雙親在此樂如公問幾人

次遼東使人來麟韻贈之

四牡驛：繫柳陰開尊坐到日西沉詞源浩：鯨翻
海筆勢翻：鳥出林醉面榮華多道氣滿腔忠孝是
誠心生逢聲教東漸日喜與嘉賓鼓瑟琴

次李判事兄贊韻

日西山影半庭苔靜裡書窓獨自開鳥擇深枝知所
止雲歸遠岫卷而懷淵明酷愛籬邊菊畢卓時思麴
底醅非祭譽堯亦閑事筭來無若倒深杯
杏壇蕪沒長新苔聖遠言埋巧偽開未把檢那投有

吳難將朴略復無懷消磨日力唯黃卷攻破愁城賴
白醅斤鷄焉知大鵬樂搏扶搖處海如杯
紫霞溪水綠於苔鶴嶺晴光菴蓋開籌策廟堂非我
事風流丘壑是予懷君須履齒新添蠟我有糟床已
上醅聯袂共尋中谷老滿樓風月共含杯
儒酸自與世相違只合閑圍李遠棊衣上酒痕醒後
滿鏡中頭髮病餘稀垂時微俸人皆是知命無憂子
庶幾盛代即今求俊彥青教公老釣魚磯

陋巷

陋巷生涯只一瓢門堪羅雀轉寥寥
樹頭病葉知秋下階面新苔挾兩驕
懶慢有如松叔夜醒狂或似蓋

寬饒邇來三逕荒松菊五斗令人尚折腰

六月十五日三司席上口占閔右尹呼韻

濟之簪紳集畫堂共將觴咏答風光
數聲感粟清人耳一曲梅花斷客腸
異味滿盤堆錯落纖腰曳袖舞
低昂納涼政好邀明月酒欲闌時興更長

摧亢靖公挽辭

曲城淪喪溱原亡耆舊唯公壽且康
豈意今晨俄鶴續遂教行路亦需裳
考終好德俱無歎賜謚停朝更有光
富貴六朝真一夢翩跹丹旆向山岡

題尹二相樓

城東勝地起危樓半隱何人似尹侯
信馬來遊成邂逅

迨看花酌酌足風沉南山滴翠琴尊晚北牖生涼枕
簾秋從此煩為真率會浮生容易雪侵頭

送行人段公使還

手擎丹詔到青丘一國君臣竟叩頭已感聖恩敷渙
汗更欣人物見風流論文泮水承佳惠舉酒郵亭動
別愁述職吾王心翼翼煩公好去達珠旒

贈國子學錄張先生溥使還

持節翩旋到海門一封之詔布皇恩表儀朝著聲名
重輔道儲宮德望尊天上使星高照耀關中道學有
淵源小生好古嗟生晚安得摠衣奉討論

旅舍即事

旅愁無語坐高齋畫角三聲意萬重崧岳雲橫家渺
渺浪江風起浪溶溶寬心每恨無春酒舉目那堪看
夕烽早晚鑿輿反京國都人苦望翠華容

乙亥年親幸大廟還駕時教坊歌謠

受命方當五百年應期定鼎華山前闕宮實初輪
奐孝思芬自古蠲齋戒飭躬嚴大禮駿奔執事盡
群賢妾身獲遇大明際願把新詩被管絃

樓題南行所作

今朝天氣儘佳哉高閣簾旌手自開雨霽窓間吳岫
列雪消江上蜀波來梅憐遠客香飄袖竹媚騷人翠
拂臺始欲登臨聊快意茫然鄉思竟難裁

遼東途中

宦情羈思共悽，遼野漫漫落日遲。西北天無滄海
濶，東南山與白雲齊。故園音信無來，馮遊子行裝祇
寒驢。失一句遲恐
遺字之誤

送金純仲狀元赴任密城二首

牛刀豈是割雞宜，遠向江城把一麾。贈以錦囊還有
意，要君盛取嶺南詩。

孤矢平生志四方，安知廉豕聚尋常。臨分莫灑丈夫
淚，好去鳴琴理密陽。

次金狀元子粹韻二首

風騷諸將共知名，替戾何妨一背城。中谷舊盟盟寒已

夕擬携歡伯，細論情

中谷安和觀公也約與鄭三峯
尹狀元裴副令同訪中谷也

識字粗知記姓名，未能學劍作干城。悠悠盛代無裨
補，三徑風烟起我情。

次權陽村詩韻

高亭遠眺目增明，淺綠深紅媚晚晴。靜裡有詩時獨
咏，興來無酒却思傾。

冬至日次鄭三峯韻

井底陽如碩果生，復齋端坐見陰晴。危微動處諒難
忽，玩取閉關商不行。

丙寅八閏誥院席上次三峯韻

六出花黏鵝鷺行，朝衣粲粲旆旌央。才微敢獻梁園

賦飲雋惟傾誥院觴

吏曹重九席上次趙令韻

吏曹高會似龍山落帽秋風灑醉顏更是嘉賓居座右最宜同咏菊花間

辛未八月十五日壽昌宮赴內宴同僚金判書
相醉中吟咏被憲司劾安中書曾生作詩以慰
予次其韻

深宮綺宴敞高秋天樂搖空月滿樓醉對重瞳發長
嘯幾人豪放似金侯

安和寺次諸公韻

偷閑來訪碧雲師幽與何曾世俗知經卷藥爐忘萬

處野花啼鳥得新詩

春日獨坐偶吟寄雙梅李吏部

夜來飛雨雜狂風減却園林幾片紅況是麴生將屬
禁政思將賞與君同

書筵偶吟示趙令等諸公

東宮日午御書筵左右賓僚一代賢欲致理平先格
致文忠真氏有遺篇

吏曹廳事偶吟

銓選何年會此堂當時冠蓋想翱翔而今兀坐無餘
事坐詠新篇到夕陽

漢陽旅舍庚申日獨坐有作

客中誰與守庚申一點青燈獨自親有約佳人殊不
至朔風吹雪正愁人

正月十三日雨中戲贈金待制

小雨簾纖晚未收春光已入杏梢頭詩家清景思同
賞為問卽中辦酒不

丙寅十一月二十日書事

九街三日霧昏咫尺行人未易分胡柰玄冥失歲
勢不教冰雪壓冬溫

己巳二月二十五日即事

乘興來敲月下門居僧為客爇爐裏龕燈影裡禪窓
時坐聽松聲到夜分

又以詩邀典理李提卽詹

浮李浮瓜酒滿卮尚書省裏喜替時只嫌咫尺相望
地未得相携共詠詩

戊辰四月十四日赴西都行在金郊驛途中作
松山一髮漸微茫瘦馬長途欲夕陽弓矢載韜何日
是風塵眯目客心傷

庚午九月十七日大駕移御漢陽僕以婦翁服
在平州村庄未獲卮從

華岳峩漢水洋天開勝地作金湯日旗龍旆愆揚
去人道三韓業更昌

到龜山寺主戒天集生徒三十餘童教誨刻

燭賦詩宛有九齋之風喜而有作贈天師

玄陵設學慮何深鼓篋升堂會石林槐市向來殊寂寞却從蓮社見青衿

永興君夫人李氏挽章

東望良人海接天魚沉鴈斷幾經年邇來得償平生志有底銘旌去瞥然

楔密直延壽挽詞

浮生倏忽一南柯伯道無兒亦可嗟
菘隱昨從中國返青燈夜雨意如何

兩夜聞雞

風雨蕭蕭之夜五更金雞咽折兩三聲可憐烏鵲何為

為星月明時却自驚

聞蟬

齊女清高異衆虫生涯飲露與吟風
數聲嗟喚催時節斗覺涼沁入院中

高壤陰潛巖轉丸有時飛集侍臣冠
高枝莫繼繁聲噪恐有蟬娘議後看

聽歌

腰如束素掌中輕時向尊前唱渭城
耳公不曾聞此曲斷腸今夕過雲聲

白州登岩寺途中

金刹荒涼樹木疎先王曾此駐鑾輿
當時往事憑誰

問一鳥翩之沒碧虛

宿鹽州觀音寺見張副令詩

霜風獵之將寒威黃葉漫山一迳微夜入靜廬逢舊
友滿牕松月坐忘機

過壺串樓

當年曾過此樓前歌吹濛濛動遠天之道禍滌終不
替今來寂寞但山川

憶日月寺天澤上人

鵲峰秋色兩相高松下禪房望不遙苦被卯申拘縛
甚未從茶榻避煩囂

與閔密直開金大司成子粹金待制瞻遊日

醉後令待制呼韻走筆謾成

上方清夜一燈明坐聽松風澗水聲看盡嘗茶心境
靜茲遊奇絕冠平生

辛未七月七日夜

銀河如掃月如彎一陣秋聲在樹間乞巧穿針非我
事獨吟佳句倚闌干

旅舍即事

梅雨絲之近午天客牀攤飯曲肱眠覺來深巷窻輪
鞅時讀荀卿成相篇

旅舍有感

平明騎馬謁侯門不遇空還日欲昏撥盡爐灰茅屋

公悠々心事與誰論

登山有感

步之方知眼界寬無邊山海一時看學人用力當如此莫為高堅廢仰鑽

有感

致君素志幾時施十載微官不救飢夢覺書窓冬夜靜卧聞羸馬齧枯糞

摘杏贈李代言詹

枝間顆々闔梅黃摘取堆盤一室香寄戲雙梅堂上去曾壇真味欲同嘗

盆池

我居真是退之詩汲水埴盆作小池蒲葦數莖將數葉悠然江與雨中知一作少

宮詞集句想奉天殿作

月倚鮪凌宿霧收宋景文露華香滴杏梢頭趙文鼎君王

曉坐金鑾殿李商隱萬國衣冠拜冕旒王維

送曹士德往日本

富士山高挿海隅長風掛席入瀛壺大溪石硯聞來久他日歸來贈我無

乙丑十二月望夜入直國子監與崔同年通甫

達曉談論

槐市夜深人不喧獸爐香盡火猶存隔窓雪月明如

畫坐聽書生讀魯論

士風澆薄異言喧猶喜斯文尚得存千載寥寥周孔
學微君誰可與評論

次定州樓上韻

定州城外海連空雲物山川一望中客子遠遊仍吊
古憑欄終日思無窮

無題

江東張翰早知機彭澤淵明悟昨非自愧微官無小
補暮盥朝齋十年樂

我行豈是等閑遊正值干戈動未休古館荒涼郵吏
散唯看鳥雀集危樓

過揚子江

兩岸春旗簇酒樓數聲柔櫓過滄洲白鷗也識忘機
客故、飛來近葉舟

金陵即事

桃花落盡柳花飛燕子初來客未歸誰道金陵佳處
地思親無日不沾衣

春日城南即事

燒後郊原綠色新鳴禽上下惱遊人携壺處、皆堪
賞正是城南二月春

風雨騎牛

命太祖潛邸時以賦之

草沒長堤水繞墟風林盡亞雨來初一叢牛背誰家

子不信人間有廣輿

寄語山前扣角人莫將烟雨咲紅塵百年堯舜君民志鞍馬馳驅豈為身

題朴岩道詩卷名免

身健不須愁鶴髮眼明猶自寫蠅頭早從物外得真趣到厭人間對俗流

與閔諫議李摠郎詹看梅摠郎有詩即次其韻

西原耕隱是狂夫國色求來自下無醉向人家逢編袂却疑身世在蓬壺
渠心豈喜見金夫清節如梁世上無一笑嫣然寧不感自今來訪日提壺

書筵記事

天厨異味固多般賜醢仍露講舌乾日對重瞳承寵渥誤身誰道是儒冠

秋夕夜坐集句

渺々西南月一鉤碧空雲盡火星流瑤階月色涼如水香滿人間乞巧樓

暇日偶作

瓦枕藤床簟欲流解衣盤礴外無求黑甜驚覺日亭午深樹一聲黃栗留

成歡驛途中

青山送客逐征蓬細雨隨風作曉寒是處獨游心悄

稍驛名空道是成歡

樂生驛途中

廣陵城畔路縈紆強策羸驂日欲晡苦驛寥々人不
見春山磔々鳥相呼

扈從出獵長端

鑾輿夙駕狩城東諸將鷹揚勢氣雄豈似長揚徒羽
獵應如清渭獲非熊

次金狀元子粹韻

焚香每願海無波近日人言奈若何病裡襟懷誰與
展苔深門巷斷經過

丙寅年除夜

驅儼處々鼓如雷春色浮浮隨斗柄回挑盡寒燈題帖
字夜瓶相對一枝梅

題舍弟拯家壁

紅紫乍昂次第開小園終日少人來徒令滿目呈嬌
態事奈今吾不舉杯

送孔伯共俯奉使西都次鄭三峯韻

西都佳麗久聞名乘駟遊觀愜我情却羨年兄今又
去醉登浮碧興偏清僕受點馬之任以
病辭免故云耳

哭金密直光厚

壽過稀年一達尊說々如玉有諸孫薤歌聲裡能無
憾疇昔曾在公嗣門

次書趙權陽村詩韻

四時佳節是清明白，未竟吐英勤御書。廷輟行
樂端知聖學在存誠。

際會風雲荷寵光，即潛肯歎似馮唐。天顏日對細
上講古時，露霞液香。

輕風旋雨絲，金殿香消畫自遲。朝退各從花底
散玉壺，傳點報時移。 題云

金陵即事

解道關西一兩兒，復翁先傳復齋詩。家童竹馬候門
外，應恠乃翁歸太遲。

題定州樓

雉堞周遭拱屋簷，地連滄海富魚鹽。使君故化何煩
問學校，新興戶口添。

無題

東赴關東萬里餘，故人音問一相踈。秋風應有西飛
鴈，為報先生數寄書。

霜臺府裡遇新春，天壽明前別故人。遙憶先生停佩
慶，月明花發晉州濱。

同醉烏臺若弟兄，春風乘命向南行。可憐驂馬留都
客，一首詩成惜別情。

海棠歸路兩霏，有信沙鷗逐馬飛。他日重來是何
日，莫忘今日指善薇。

昔年相遇志同年共上斯樓一醉眠白日獨登誰與
語庭前紅樹帶愁烟

天壽門前柳絮飛一壺來待故人歸夕陽芳草長亭
晚多少行人近却非

野外桃花紅粉姿溪邊楊柳綠烟絲不因送別城東
去過却春風掩不知

贈雲峰納

上人行止閑不群正似出岫無心雲嗟予官途苦奔
走終日醉夢長醺

碧瀾渡樓上次柳思菴韻二首

登樓偷暇日臨水感徂年宿鴈低波回征帆拂檻前

板上思菴韻于今四十年浪花踈踏外雲葉亂峰前

送陳奉翊之任京山府義貴

碁布東南幾許州星山劇郡重今憂銅魚已是付黃
霸竹馬端知迎細侯好向琴堂施惠政邇來民戶免
誅求同僚烏府情非淺贈處丁寧不自休

感興詩二首

促織復促織竟夜弄機杼朝來無寸絲所織在何許
君子務實勝須使德業著努力惜才陰歲月不吾與
大木生毫末干雲高百丈細川日夜流到海成滉漾
學問尚日新德崇業且廣少壯不勉強老大空惆悵

天保壬辰

